

Ո Ր Ո Շ ՈՒ Մ թիվ 162
վարչական տույժ նշանակելու մասին

«28» հուլիսի 2022թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Իրանի Իսլամական Հանրապետության քաղաքացի Մահդի Դավարի Համդոլլահի (անձնագիրը՝ R48102979) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի ապրիլի 11-ին ՀՀ ՊԵԿ ՄԴՊՎ ՍՏ բաժնի Մեղրիի բաժանմունքի և ՀՄՎ Մեղրիի մաքսային կետ-բաժնի աշխատակիցները Մեղրիի մաքսային կետ-բաժնի տարածքում զննության են ենթարկել ԻԻՀ-ից ՀՀ ժամանած ԻԻՀ քաղաքացի Մահդի Դավարի Համդոլլահի կողմից շահագործվող «BENZ» մակնիշի, 51AA945 պետհամարանիշի բեռնատարը, ինչի արդյունքում, նշված բեռնատարի տարբեր մասերում հայտնաբերվել են մաքսային հսկողությունից թաքցված ապրանքներ, մասնավորապես՝ բեռնատարի աջ կողմում գտնվող պաշարների համար նախատեսված խցիկից՝ սննդի տակ գտնվող արկղից և վարորդի խցիկի քնելու համար նախատեսված հատվածի ներքնակի տակից թվով 95 հատ ջրատաքացուցիչի համար նախատեսված ռելե, 4 հատ ջրատաքացուցիչի համար նախատեսված պոմպ, 20 հատ ջրատաքացուցիչի համար նախատեսված ճնշումային փական, 50 հատ ջրատաքացուցիչի համար նախատեսված սառը ջրի փական, 48 հատ ջրատաքացուցիչի համար նախատեսված տաք ջրի փական, 20 հատ ջրատաքացուցիչի համար նախատեսված կայծի մեխանիզմով լարեր, 2 հատ ջրատաքացուցիչի համար նախատեսված ջերմափոխանակիչներ /ռադիատորներ/, 2,4 կգ ջրատաքացուցիչի համար նախատեսված ռետինե խտարարների /սալնիկներ/, 14 հատ ջրատաքացուցիչի համար նախատեսված ջրի բլրկ:

Փաստի առթիվ վարորդ ԻԻՀ քաղաքացի Մահդի Դավարի Համդոլլահի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ իրավախախտման անմիջական օբյեկտ համարվող վերոնշյալ ապրանքները ի պահ է հանձնվել Մեղրիի մաքսային կետ-բաժնի մաքսային հսկողության տարածքում:

ԻԻՀ քաղաքացի Մահդի Դավարի Համդոլլահի կողմից մաքսային հսկողությունից թաքցրած ՀՀ մաքսային սահմանով տեղափոխված ապրանքների շուկայական արժեքը որոշելու համար 12.04.2022 թվականին նշանակվել է «Ապրանքագիտական փորձաքննություն», որի կատարումը հանձնարարվել է ՀՀ ԱՆ «Փորձագիտական կենտրոն» պետական ոչ առևտրային կազմակերպության փորձագետին:

Վարչական վարույթի շրջանակներում թիվ 193 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքների մաքսային արժեքների և վճարման ենթակա մաքսային վճարների չափը:

ՀՀ ՊԵԿ Հարավային մաքսատուն-վարչության թիվ 208 մտից համարի տեղեկանքի համաձայն՝ 2022թ ապրիլի 11-ի դրությամբ «Huba Control» անվանումով «T 110» տեսակի ռելեների մաքսային արժեքը կկազմեր **570000** ՀՀ դրամ, «Grundfos» անվանումով «UPSO 15-65 CA0D» տեսակի ջրի պոմպերի մաքսային արժեքը կկազմեր **234000** դրամ, «WATTS» ապրանքանիշի «PA66+GF30» տեսակի «3/8» դյույմ չափսի ելուստներով, ջրի ճնշումային կափույրների/փականների/ մաքսային արժեքը կկազմեր **91000** դրամ, «NV» անվանումով «1540» տեսակի «1/4» դյույմ չափսի ելուստներով փականների մաքսային արժեքը կկազմեր **177000** դրամ, «ESSA» անվանումով «TR» տեսակի «1/2» դյույմ չափսի ելուստներով տաք ջրի ճնշումային կափույրների /փականների/ մաքսային արժեքը կկազմեր **170000** դրամ, ջրատաքացուցիչի սարքավորումների գազի բռնկման համար նախատեսված «95» մմ երկարությամբ էլ.հաղորդալարերով մոմիկների մաքսային արժեքը կկազմեր **48000** դրամ, «HEATWAVE» անվանումով «020851169P5» տեսակի ջերմափոխանակիչների մաքսային արժեքը կկազմեր **105000** դրամ, օղակաձև կառուցվածքով « $\emptyset$ 28» մմ արտաքին տրամագծով և «4» մմ հաստությամբ ռետինե խտարարների մաքսային արժեքը կկազմեր **13000** դրամ, «ELBI» անվանումով «BITROIN» ապրանքանիշի «PPO-GF30» տեսակի ջրատաքացուցիչ սարքավորման ջրի բաշխիչ համակարգերի մաքսային արժեքը կկազմեր **438000** դրամ:

ԵՏՄ մաքսային օրենսգրքի 2-րդ հոդվածի 1-ին մասի 25-րդ ենթակետի համաձայն՝ «Միության մաքսային սահմանով ապրանքների անօրինական տեղափոխում» է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր օգտագործելու միջոցով և (կամ) նույնականացման՝ կեղծ կամ այլ ապրանքներին վերաբերող միջոցներ օգտագործելու միջոցով:

ՀՀ մաքսային օրենսգրքի 189-րդ հոդվածի 1-ին և 2-րդ մասերի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք

մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ **եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:**

Վարչական վարույթի շրջանակներում հարցում է կատարվել ՀՀ Ոստիկանության անձնագրային և վիզաների վարչությանը նպատակ ունենալով պարզել քաղաքացի Մահդի Մոստաֆայի Մազլուումի վերջին հաշվառման վայրը:

Ի պատասխան հարցման ՀՀ ՊԵԿ Ներքին անվտանգության վարչությունը տրամադրել է սահմահատումների վերաբերյալ տեղեկատվություն համաձայն որի քաղաքացի Մահդի Դավարի Համդոլլահին 23.07.2022 թվականին ժամը 17:37-ին Մեղրիի մաքսային կետ-բաժնով անցել է ԻԻՀ:

Այսպիսով, նյութերով պարզվել է, որ 2022 թվականի ապրիլի 11-ին քաղաքացի Մահդի Դավարի Համդոլլահի մաքսային հսկողությունից թաքցնելով՝ իր կողմից շահագործվող «BENZ» մակնիշի, 51AA945 պետհամարանիշի բեռնատարում ՀՀ մաքսային սահմանով տեղափոխել է ընդհանուր՝ 1 846 000 ՀՀ դրամ մաքսային արժեքով ապրանքներ, այսինքն՝ քաղաքացի Մահդի Դավարի Համդոլլահին թույլ է տրվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ արձանագրությամբ, ՊԵԿ Մաքսանենգության դեմ պայքարի վարչության 11.04.2022թ-ի մաքսային զննման ակտով, Հարավային մաքսատուն-վարչության թիվ 208 մտից համարի տեղեկանքով: Վերոգրյալի հիման վրա և ղեկավարվելով ՀՀ մաքսային օրենսգրքի 201-րդ, 206-րդ, 219-րդ, 221-րդ և 224-րդ հոդվածներով,

Ո Ր Ո Շ Ե Ց Ի

1. Մահդի Դավարի Համդոլլահին (հասցե՝ ԻԻՀ, ք.Թավրիզ, Խաթիբ Քույրամբզլի փողոց, տուն 58, անձնագիր՝ R48102979) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել թաքցնելով ՀՀ մաքսային

սահմանով տեղափոխված վերոնշյալ ապրանքների մաքսային արժեքի չափով՝ **1 846 000 /մեկ միլիոն ութ հարյուր քառասունվեց հազար/ ՀՀ դրամի չափով:**

2. Որոշման մասին հայտնել Մահդի Դավարի Համդոլլահին՝ պարզաբանելով ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ վարչական դատարան երկու ամսվա ընթացքում:

Սույն որոշմամբ նշանակված գույքանքի վճարման հաշվեհամարն է. **900005024055'1 846 000 /մեկ միլիոն ութ հարյուր քառասունվեց հազար/ ՀՀ դրամ, նշել 30 կոդը:**

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ